

肉而不

一萬二千

聖經總攷官傳新日春富

學止日王人仁

分攷官傳諸日呂夏

書馮儒士生籍陽

國熙監生江蘇永華

臣見新林

永樂大典卷之一萬五千一百三十九

七泰

帥詩二

李流謙潛齋集送與漕移帥瀘南金龍直歲當玄冥憶公剖竹江陽城
碧鷄坊中駐千騎裁詩餞送雙旌行達人到處說項斯豈賤子故唯先盟
一官泮水謝推輓挾策仍許從諸生隻詞華家豈易得再以薦墨光姓名
一朝去我生悵悵呱呱欲作啼雛嬰向來宦海四十年白首一節無斜傾
只今耆舊直可數曷不佳矣司機衡詔書連年到西蜀歸田奏上群兒驚
西南夷登雖藉領男耕女織鼓不鳴廟堂微桑成無事正以卧護煩老成
犬羊腥羶亦人耳悅安惡擾皆其情不須談兵但飲酒即非爾帥乃父兄
秋光如水浸行色才轟獵獵風有聲憊褐迎道沸群獫弓刀繞帳森千兵
犬夫未遂調燮事華皓得此亦足榮觀公畜德有餘地如海既酌隨復盈晚
福衮衮蓋未艾善頌何以歌蕭筮更須書考二十四永與松鶴同堅清
張紫微先生集送馮元通帥夔烈士志循名仁人思愛日馮公杖節歸
頗全忠孝術狂童昔兆亂天常戮反易大臣清國屯公實預謀書百士為

臺郎未省聞在昔義為軒冕重功在鍾鼎勒十載猶故官念言為伊鬱過
來升宰士式序期日久囊封卻復上告去更甫力官榮豈不懷志養不違
息顧我廢蓼莪日念掃塋域公方詠南陔肯為高官職絕裾舊疑溫抗疏
今師密都門行錢君視古無愧色系甘既獲奉中外等事國雖是平生言
勉哉宣澤徐安國西窓集送汪玉山侍郎帥成都形勢四川重明公膺
此行戎車勝五馬使節導雙旌修阻路雖險垣夷心自平西征務宣化不
獨在休兵驛路饒秋暑江行迥不同若山青入望漢水白浮空餘事多
詩興先聲早治功遙知下車日政不羨文翁昭代文章伯唯公第一流
西清表班玉長樂最藩侯廊廟俱青眼功名尚黑頭遙歸定師保小為陝
分留憶昨賢關裏嘗參弟子真高文工石史至理悟伊川北面心三月
西傾矚二天何當容卒業著處使加鞭字溪陽先生集賀田都統再帥叢
十乘由叢入釣魚飲江無馬鴈安居瞿塘催要金城壁即墨爭迎鐵裹
車八陣旌旗蛇勢整九關風月虎符虛白鹽萬丈齊天石揭日奇功大字
書桃李三生黃口兒春回桑梓放墳吹燕依舊主今還再免守空林懶
未移暫對少陵堂下瀨遠懷靖節菊邊籬好風借與一帆飽歸趁江空水
落時謁叢門桂帥壺歌整暇化清夷笑把宗師正印提繡膽文章開

瞻龍錦江桃李爛成蹊。旌搖蜀水春浮峽。析靜蠻天月滿溪。水衣歸殿近
宸樓。珠敷嘉歎殿頭西。志欲商伊學欲顏。壽師夢遠五湖間。不違誓至
仁三月親。奚寧辭雪萬山。流海浪浮端戰角。排雲應許豹窺斑。還丹知換
塵凡骨。越得先生未出關。賢鄂帥張仁簡。八牖玲瓏義理天。復齋心
印妙親傳。化爐點處金非鐵。史室清餘否亦賢。叹息兼蘆湖外月。炊生榆
柳竈中煙。水浮鄂渚連牛渚。公子行行天上僊。不爲名韁浪出山。朱門
桃李恐闌珊。師尋湖海習懷關。道滿乾坤耳目寬。水驛已終三楚尾。天閣
猶向五雲端。登樓使欲騎黃鶴。乞與書生換骨丹。赴大寧司理賢俞帥
見說三關息虎貌。風高白帝卷旌旗。擎天砥柱瞿塘險。保蜀規摹陣石
奇。誓出祁山禽仲達。肯屯漢口學姜維。枕戈心事聞鷄起。未必關眠聽竹
枝。入手青衫愧壯顏。悠悠底事白雲間。有心文字幾千卷。適意茅茨三
兩間。可奈紅塵飛白羽。不容黃叟卧青山。欲從寧水成仙骨。越得先生未
出關。主初察先生某間。青守梁元彬。移帥定武。作詩寄賀諸梁。相門誰
數十朱輪。華鄂今看節制分。鄉里正思前召父。朝廷難輟大馮君。風聲自
是填荒合。忠力同輸手足勤。應有池塘春草夢。夜闌還繞北山雲。聞帥
府大閫軍作詩送梁帥。坐想郊坰鼓角雄。弓刀十萬擁元戎。令傳帳下

偏裨慄聲走山前部落空勒石何須稱實裏反風已上梢周公自嗟不預
從軍樂賈勇猶能氣吐虹和梁才甫贈定帥元彬汶水衣冠記昔年
明堂一木起扶顛孫枝競秀傳家學華鄂聯榮握帥權西省規摹留閩外
北園風景付樽前晉陽親近皆兄弟行集天朝拱細旂孫燭湖先生集送
劉蘇州誠之帥夔門卧轍違吳會開帆指蜀門江關自奇險節制故雄
尊一吐避方氣勤宣聖主恩歸來對宣室獻納佇司存了了八陣殲魏
魏三峽堂竹枝歌感際麴米醉淋浪今古英雄思風流翰墨場公行秋水
落穩穩上瞿塘和制帥效謝康樂體讀書在雪屋長嘯亦蝸廬茲晨
從遠役不乃為飢驅夕棹悄煙月朝帆暖菰蒲情欣秋風至體慙裨暑但
拾魚未收療爭米聊趁虛廓落展遐眺春容進前途幕畫諒何取世用實
已迂分聞重節制三邊藉調娛功成報天子朝珮歸與與下客一何幸窮
途非所虞江山待公賞佳處小踟躕楊冠卿客亭類藁別襄陽帥淮海
崇陰已著行却移小隊入襄陽江山尚帶戎馬氣齋閣遽聞編簡香肯
聲名滿渠楚向來為政壓龔黃風流高出山翁上不用擊鞭問葛疆同
張帥出郊客有欲別去者作詩留之元戎小隊出郊垌落絮遊絲亦有
情縱酒欲謀良夜醉繫帆何惜片時程摩行之省齋集上浙西張帥十首

先世精忠百世尊。重扶日月正乾坤。歲寒最見喬松節。凜凜清規在子孫。
大學無傳久晦冥。英英伯氏獨推明。德齋會得名中意。明道伊川真弟

兄。天邑由來最浩穰。正憑威信執豪彊。次公不到圓機處。須索神醫肘
後方。條教初頒洽里閭。米鹽靡密見紆餘。而今坐嘯鈴齋肅鴈鷺。行空
無簿書。薦士今誰有古風。不論疎戚與窮通。憐渠報國河南尹。媿我無
私第五公。朱履長裾客幾千。雙鳬衆鴈一天淵。交情可笑書門老。不省

從來有失賢。御史何憂未濕難。如今門內已相安。羔羊正使開風化。他
日翁歸尚可觀。稔惡偷兒喜探丸。邇來通夕寢何安。鑄額自有金丹訣。

何事區區挂後冠。權駘誰云堂切功。軍儲百萬若為豐。能令判入皆公
上。從此深根得裕農。曾上雲端款祝融。更臨濤海揖清風。於人又見張

夫子。眼底紛紛一洗空。王炎雙溪類暮歲。黃尚書帥蜀。六蜚駐蹕臨東
吳。益州遠在西南隅。若王右顧入念慮。選用名德分麟符。文章政事俱第

一。袖手未肯待釣樞。清獻之清過於水。忠定之信孚豚魚。二賢寂寂未有
繼。蜀人惟恐公來遲。浙江萬里飛鷁首。祝公善保千金軀。髮鬢未見一絲

白。歸來便可居丞疑。清時緩帶鎮方面。問民疾苦勤褰帷。頗聞今蜀興昔
異。昔日民肥今已懼。願言細意護根本。要令可與同安危。更須推轂拔人

物。勿念折墜皆毛夷。想見明年初下車。錦宮城裏花正都。四郊按堵但耕
鑿。春風蕩漾隨旄尾。遨頭一笑父老賀九重。不用憂坤維。曾協雲莊集。送
向兄荆父均帥維揚。龍數頻煩色愈溫。耐官丞相克家孫。川原遠邈提
封閭。旌纛森嚴上將尊。心識古人風節似。望知前輩典刑存。春風草綠長
淮淨。眼看頻添雨露恩。大父曾開刺史天。固應陳迹尚依然。邦人却恠家
風存。故老今排宅相賢。仗鉞東旋仍置使。輕裘緩帶更安邊。須知此日分
憂重。更覺光榮掩後前。華鎮雲溪居士集。用韻謝越帥程給事。大屏元
侯重爲論。自懸臺淺匪多聞。已當壯處逢清世。敢向南山戀白雲。宴以笙
簧終永日。寵將珠玉煥新文。願憑陶鑄冲天去。黃閣門前拜使君。程公許
滄洲塵缶編。代上夔帥丁文伯。璧月行素空。流魄寒潭水。水非與月期。
月豈待濯洗。夫光發於定。妙契元一理。士生無南北。樂在相知心。同行不
同調。有如夜與參。一言針芥投。山水皆知音。畏齋天下士。執鞭愧我後。當
時儉府達。最說度公秀。十年一大伸。西樓黯回首。油幢古夔子。鎖棘小南
宮。寶鑑貯英裁。種筆題至公。訊舊一以悽。浩蕩華表風。字縣莽煙塵。人物
嘆今眇。蘭芷閔其芳。所御或茶蓼。隱思不遑寐。令我憂心悄。古今幾枰棋。
勝敗無常形。世豈欠國手。一著何可輕。但恐當局迷。渠知死可生。向來一

寸心行世幾淩落矯性動有妨幽思誰與豁為君弘懷慨長風起天末
木皮口紀事為故汚我師何從賦也驅車木皮口地接嘉陵市山川鬱
盤紆草木慘憔悴昔在歲辛卯大將何懿子行營與賊遇力戰遂死此道
違田舍翁款曲間所以耳目親見聞朴忠令無比況驚老不衰甘苦同戰
士以此得士心急難不相棄聞制力主和宣虞敵情詭譎弊篋方交馳羽書
俄狎至初冬二十五墜入我內地或渡河而馳或截路以伺俄然幹腹秦
隄若自天墜諸軍抽摘餘精銳能有幾千兵僅烏合轉關殊未已可忍賈
將軍同生亦同死落日塵土昏鼓寒聲不起至今堆阜間白骨猶紛委諸
罷若淒哽相顧潛灑淚念昔佐戎軒世屯未云弭主公極仁明慘惻念此
事露章句恤典爵子嚴廟祀意將勸忠臣為國當盡瘁儒守陳西和武將
田與李田與李中後先被褒錄名姓編國史敵知吾有人心寧不是思自
古重徂征司命在主帥委託或非人險阻那可恃焉子數君子一死甘若
飴推原其本心死奚益於世事大謬不然舍生而取義乃知丈人吉易自
有深旨性輟忍復云方來那得諱長謹激淒風嗚咽嘉陵水虞儔尊白堂
集送張伯子尚書即隆興春容聽履上星辰玉笋班中第一人暫藉威
名分閭寄購留風采照廷紳何人重記西山雨若我空傷南浦春此去莫

貪為郡樂紫樞黃閣待經綸十年沉落困推擠出處於公恨不齊本謂
重來酬契闊豈期一見又分携風吹渭水波聲小春壓陽關柳色低老矣
銷魂難語別且須倒盡玉東西李洪共菴類藁送范至能帥桂林口代
奇謀懿可託歸來猶著侍臣冠燧林草色供詩思鳳沼春波漚筆端誰謂
玉堂真學士暫臨桂管小長安元戎十乘無遺藁上閣宣麻句已圓送
史志道帥建康簪橐明光備武文玉麟暫剖別充雲朝中禮樂謀元帥
天下英雄有使君陋矣齊丘當十萬鄙哉諸葛祚三分公歸豈作東征遠
鼻鼎將書第一勲吳泳鶴林集送鮮于帥載錫珪符起伏龍遙提小隊
出南中軍容倒海鯨波息旗常吹雲蜺瘴空但倚碩才為保障仍開誠意
接兵戎渡瀘已覺秋風晚爭看籌邊第一功時事牽連卒未休三邊烽
火又驚秋養鷹未得鷹揚力豺虎終懷虎眚憂面勢只緣前局誤肘方合
向古人求玉關不是無兵守上策人心要急收憶昨行臺再見時恍守
沿水送將歸手神比舊微加瘦道力于今轉覺肥預有一燈標日指曾無
寸草報春暉孔門獨立成何事祇舞風雩詠浴沂王灼順堂集代公慶上
郭帥唐尚父幾重揔宿將齊推第一門新擁鋒車還北闕暫辭戎律
控西藩柳營平日麤輕敵龍家今年識至尊好在樞庭展韶畧試看餘力

整乾坤。昔年先廟謁汾陽。提筆從公寫短牆。再別巴江油戟下。七逢天竺桂枝宵。宦途自許安仁拙。浮俗誰憐處士狂。客舍無煙饑欲死。尚慙知己問行藏。張孝祥于湖居士集寄方帥。吳楚山河盡付公。君王長策在平成。人才玉謝風流似。地望東西節制雄。赤手尚能探虎穴。白頭空是釣魚翁。將軍知我非徐庶。不向江邊起卧龍。賤子如今休說竊王麟。銅虎信頻過。君今持橐甘泉裏。我不投書苦海中。且願耕桑依地主。長教溫飽荷天公。回思三十三年事。一笑相逢兩秃翁。林希逸竹溪集別吳帥怒齋學問功深道得民。但曾補處譽俱新。來為闕嶺詩書歸。歸作甘泉侍從臣。政劇不辭身自苦。施多却似郡非貧。前賢好事雄行徧。王帳如今有幾人。獵獵江濱萬綵旗。戀恩非止送公時。賢如司馬家求像。教比文翁學有祠。半月趣行三被命。殘年惜別兩攢眉。東南民力闕尤困。到日論思肯及之。七聚人人苦戀行。吾鄉一事更關情。郡貧已極民縣罄。歲計祇於寺取盈。官要板曹寬未許。闕無保障害非輕。扶持有意公還去。條約春初恰講明。今春起齋方為請。邑不濟權管區聚。公來植纛我扶犁。苦憶京塵判袂時。墀下一回焦服謁溪干。幾度錦箋貽去思。定有愛棠集戀別。空吟折柳詩。梅子正黃晴。又雨風。橋語燕夢追隨。吳帥用前韻以別再賦。

以謝。碧油幢下詩書帥。吏案如山疆撥開。領客雍容游郡國。柳間松下
步行來。主人愛客情何厚。盡日移樽逐處開。古栢寒梅俱間訊。追思猶
說海棠來。清晨玉帳方違拜。一葉江干艤未開。多愧元戎懷舊雨。殷勤
惜別袖詩來。村居僻甚城闌遠。避俗柴門久不開。忽漫出山歸自喜。龐
翁還謁起翁來。喻良能香山集送呂憲帥維揚。讀我宋實錄。元豐治明
昌。五年九月中。上特開天章從容謂輔臣。邊民疲可傷。呂獨為朕言。他人
終未嘗。已乃命正獻。由定帥維揚。學士加大稱。庸以示寵光。移鎮未去久。
趣歸總臺綱。爾來九十年。誰其踵遺芳。我公嫡孫行。祖烈蔚載揚。持節古
閩粵。攝事今福唐。仁風雜和氣。益益如春陽。叱咄玉律響。園扉春草長。英
聲飛九重。御屏書益詳。廣陵大都會。經理須才良。擁麾往鎮之。非公諒誰
當。延閣陞寶書。恩綸湛洋洋。左符分淮海。西顧寬嚴廊。想見入境初。快觀
爭星鳳。折衝向樽俎。宣威謝金湯。行看有鋒召。袞衣侍虞皇。賤子一何幸。
竊庇逾兩霜。誤蒙刻薦牘。名徹擬疏傍。受恩未知報。肝膽徒激昂。唯祈轉
洪鈞。復立弟子行。送侍御帥夔府。湖海番君國。江山白帝城。凝香餘
坐嘯。飛詔趣過征。峇處千鈞重。輜車一羽輕。攀轅雪眉老。送目逐雙旌。
千古楚東郡。風流今在茲。魯公元直道。文正不妨詩。鉅吏似東瀛。麾龍如

使兒甘宗足遺愛會有去思碑。西風動行色詩景繞征驂赤甲懸危壁。
黃牛瀉急猿聲雲背落山勢馬頭盤。天險須人守。母辭蜀道難。諸葛
仍祠廟。公孫只故基。棟梁酣夕照。雄堞蔓秋葵。耿耿登臨意。悠悠今古思。
烹鮮不勞力。餘事杜陵詩。四海猶多事。中原未版圖。皇心思啓沃。赤子
望濡濡。八陣難留滯。三階拱進趨。茂洪寧有意。汪左待夷吾。送陳給事
帥四川。四海繫華一蜀都。君王謀帥意。渠渠百城赤。子煩摩撫。一代長
材獲展舒。玉璽倚空充。屏翰鐵衣如洗。護儲胥。袴鞬帕首郊迎處。想見旌
麾入境初。禮樂詩書一世英。碧油青鬢二難并。慣看詞翰流三峽。剩有
精神驅五兵。雙向坤維聊鎮撫。却歸天闕致升平。明年春水如天日。綵鷁
乘風向帝京。送師相陳大觀文。地總全閩控百蠻。政成治取二年閒。
五十里見耕桑盛。百萬人欣日月閒。腥風吹海向來驚。玉帳分弓射怒
鯨。千里妖氛都鏡淨。萬船載月夜深行。頻年秋稔穀相因。八郡恩波著
處勻。長樂城中家幾萬。家家生子總名陳。化國熙熙日自遲。棠陰無訟
草含滋。何人剋伐南山石。大刻詳書德政碑。張令有心吟綠野。贊皇作
意向平泉。君王夜半思元老。明日金甌寶墨鮮。黃童白叟走政路。總向
城邊遞去輪。願為此邦聊小駐。公歸誰作萬家春。將令四海變虞唐。那

得夢龍滯一宮寄語邦人休卧轍道傍行看舍人裝。溶溶曳曳白雲閑
救旱濡枯頃刻間。四海蒼生望霖雨謝公早晚起東山。朱朱白白總精
神共喜今年化筆引尚有窮鄉寒谷土。政須一氣轉鴻鈞開蒼舒集贈郡
帥郭侯。東南形勝惟揚州介江負淮作襟喉有國以來幾百戰弔古千
載空悠悠。哀哉荒主與蕩子鈍盡鐵劍崇倡優迷樓九曲爛如畫珠簾十
里半上鉤當年二十四橋月曾照三十六宮秋。平山堂上一長嘆但有哀
草埋荒丘。歐仙蘇仙不可喚江南江北無風流何人復誦廣陵散黯然悲
恨不可收。只今英主正用武增五萬竈屯貔貅金城堅築壯營壘綺段細
錯良田疇神謨廟算萬全舉天時既至須人謀將軍山西名將體家聲直
到青海頭男兒有死必報國正當爲上分此憂。勉旃速辦古人事紹蟬本
自出兜鍪劉崇龜集寄桂帥。碧幢仁施合洪鈞桂樹林前倍得春。莫戀
花時好風景磻溪不是釣魚人鄒道鄉先生集送望之移帥荆南。荆湖
地與蠻獠通江陵開府節制雄勁兵十萬擁嚴虎鼓角聲動波濤風列城
如子滿碁面。一元帥呼吸中陛下鈞簾撫天宇妙選百辟今屬公楚峰
峻拔江漢廣精光帶影落渚宮懸知黃鹄日飽飯酣歌鼓腹均兒童裕陵
松栢老霜露鍾山杖屨埋蒿蓬自從知己失君相。草檄熊羆西復東諸祀

可想不可見。十年一夢朝來空。荆湖雖重豈留處。朝廷百度皆元豐。寄
鄧帥杜君章學士。策府名卿厭鳴玉。竭來南陽朱兩轂。曹中雲夢吞八
九。終然不貯閭閻辱。生令政事邈前人。容易端如探篋麈。去年持刃今扶
犁。所至熙熙豐穀祿。華堂夢斷燕絲簧。笑謂鄰校不如肉。公雖飲少客自
醉。但見銀鉞倒輕渌。明明天子正搜賢。真賢雖踴躍還行。竹鞭勞矧已踞屏
風。八命難淹一州牧。願君快向百花洲。更集賓僚勤把菊。聞王若愚除
桂帥。鸞臺鳳閣並門居。同荷先皇獎。春殊諫草悠悠空。皎日年華忽忽
幾青蒲。朝廷擇帥君來越。鄉里容身我念吳。萬事循還總如此。目前何必
較榮枯。韓元吉南澗集送湯丞相帥會稽。淮岸春來罷夕烽。君王奏凱
大明宮。守關豈但勤蕭相。分陝猶宜屈召公。絲綬不妨龍衮貴。錦衣真與
故鄉同。政成更上平戎畧。歸作麒麟第一功。翰墨英名多士先。經綸長
策萬方傳。久知燕許文章大。要自臯夔事業賢。曲水蘭亭修竹外。都門祖
帳百花前。去天尺五調元舊。肯使邦人借一年。疇昔追風幸執鞭。詞場
好在筆如椽。十年騁驥猶瞠若。晚歲登龍未偶然。下客陽春驚白雲。何人
綠水近紅蓮。尚應九里蒙河潤。他日一天今二天。趙蕃薄熙集謝張帥
試仰元戎貴。還瞻簿領卑。居間九幾級。其勢可懸知。屢進黃堂拜。風蒙青

眼期建華紛馱飲劇聽淋漓既納達離謁并頒道路資問令叩齋閣禮
謝歷堦墀披豁忘名位高深詎測窺愛人多語政餘事亦論詩似欲微允
作何勝枉譽辭更成湖上集仍厠幕中奇七字昔靈鷲五言今總持兩處
皆有公留題流傳久已因收拾尚無遺自省才惟薄難堪德過儀受之增
踧踖見者亦驚疑暫爾休行役於焉紀謝私釣竿如可把懸榻定除絲陸
游渭南集送襄陽鄭帥唐老鄭侯骨相非復常伏犀貫額面正方聲名
赫奕動天子家世富貴連椒房武能防秋北平道文合落筆中書堂識西
謀帥國大事當宁久弄黃金章一朝丹詔自天下兩班仰首看騰驤鄭侯
此行端可羨綉旗皂纛戈如霜三更傳令出玉帳平旦按陣來毬場宿兵
萬竄盡貌虎牧馬千群皆驕驕酒酣賦詩幙府和綴橫健筆誰能當雖然
鄭侯志意遠虎視直欲吞北荒榆林鴈門塞垣紫蓋津砥柱河流黃出師
有路吾能說直自襄陽向洛陽陳止齋集送丘宗卿帥蜀戶部侍郎丘公
被命以煥章閣直學士出帥全蜀其友生永嘉陳某作詩三章送之二章
以重別也二章頌也三章以處其歸也嘗陪諸老後亦與晚進游有能
一夕話可洗萬古愁昔君尚青衫今我已白頭闕下何匆匆蜀江正悠悠
一請工治庖再請拙操舟好靜從古始尚思極今時寧使舉國貧勿與

一士遠熙寧固前轍元祐誠良鑒我亦欲晏興人方乏朝炊持之訊人傑
人傑良自疑前瞻及河隴內顧連江沱邊籌尚彈壓民瘡湏按抄方當
上懷遠況復歲薦瘥宜公去帆輟歲月亦易多西人豈不好索此東人何
送范憲東叔帥潼川四首離適十年合合復十月離往日苦無及來
日忽未知江源與海通其會與蜀遠通故天道常違亦物理宜勿作兒女
感是中有所精微相從意氣豪相知鬢毛斑細說竟昨非淺斟始今歡每
懷吾黨多未休此世難一則琢冰雪再則紉芝蘭騷人絕芳潔孰與風人
寬有書但應眼有位亦養病養病猶近名應眼已患多聊復歲晏爾奈
此人遠何聲光正橫空議論如懸河宜君見別輟款曲理則那達人九
頓首遇事三折肱雖知少為狂正復老可憎吾今有儲粟吾友有短檠
論訓何如周易讀未曾言歸又言歸兒女喚不應又楚山黃落洞庭
波背却難人問釣簑歸思甚於三峽才名空自十年多曩游記得青燈
在後會愁如白髮何我更有懷言不盡故將短韻代長歌送沈帥甘
盤亭不入高宗四皓莫知其所終傳野有人能論學漢庭無事可言功行
藏於此嘗成趣談笑從今得退公分付諸兒理民社宜休堂上聽松風
送辛卿幼安帥閬長才自昔恨平時三入修門兩鬢絲甕下可能長夜

欽花間却學晚唐詞。潛然北顧關河水。蘭在西清日月遲。乘鴈雙鳬滄海上。與君從此恐差池。朱翌潛山集送福帥。春到春城和雅歌。又攜春去度雲蘿。過余竹裏煎茶。又看子花邊簇馬。多千里福星臨福地。一時天賜挽天河。江紅陳紫留連得。奈此催歸尺一何。郭印雲溪集送韓美成都大赴夔帥。公來雪山重。公去雪山輕。少陵有是語。申言餞公行。公初來蜀時。豺狼浩縱橫。剪除二三輩。百獸猶耳驚。坐令坤維地。衆醉稍稍醒。仁風被動植。德澤覃幽明。成云真使者。有眼未曾經。今將變子去。方面倚長城。雖分閬外憂。三川難為情。岷山黯無色。錦水咽無聲。政恐狐狸出。依然擾吾民。鄙夫為之言。汝曹且靜聽。我公非常人。夷夏知威名。平生活國心。須臾不少寧。天欲靖乾坤。平步公與卿。大樞康濟學。引手援生靈。送張道從上行。起復帥夔。初辭丘隴重哀榮。旌卷春風第一程。帝委才猷專外閫。人推勇畧過長城。孤忠炯炯能移孝。溫詔諄諄遽奪情。三峽壺漿應滿道。江山草木舊知名。白帝層城統十連。肘聯荆蜀阻山川。翠華久賸舟車會。紫詔先收柱石賢。雲靜已通梁閣道。浪平空艤漢樓船。不妨腰綬登廊廟。典故先朝尚宛然。次韻曾帥遣意。文章游戲裏政事。笑談餘種就三田。藥編成一帙。書情忘心自適。神定氣長舒。四海曾夫子。何人可學。